

**Naaja Nathanielsen
Attaviitsoq**

**UPA 2016/118
10. maj 2016**

Ernup nukissiorfiup Qorlortorsuarmiittup sarfamik tunisisinnaanerata annertusarneqalerneranut atasumik, Alluitsup-Paa allanit salliutillugu, Qorlortorsuarmi nukissiorfimmiit sarfamik pilersorneqalernissaa siunniullugu, Naalackersuisut UKA 16-mi saqqummiunneqartussamik, qanoq naleqassaneranik pilersaarusiampilu suliaqassasut Inatsisartut aalajangiiffigisassaattut siunnersuut.
(Inatsisartunut ilaasortaq Kalistat Lund, Inuit Ataqtigiit)

Maluginiarpara Naalackersuisut siunnersuut itigartikkaat misissuinerit missingersuutillu takutimassuk siunnersuut imminut akilersinnaangitsoq. Tamanna tusaatissatut tiguara. Naalackersuisooqatigiinnermili isumaqatigiisummi ukiut arfineq pingasut ingerlaneranni nunatsinni immitsinnut ataavartunik nukissiutitigut pilersulersimassaagut. Sivikitsunnguuvooq, aningaasaliissutaasariaqartut eqqarsaatigalugit. Ukiut arfineq pingasut qaangiuppata ilumut immitsinnut nukimmik ataavartumik pilersussagutta siunnersuutigineqartoq itigartiinnarneqarsinnaangilaq. Inoqarfinni inukinnerusuni nukissiuteqarnermi ikummatissanik atuinikinnerulernissamut angusaqarniarluni qanoq iliuseqartoqassava? Pilersaarutit tigussaasut sorpiaat, inoqarfinni inukinnerusuni nukissiutit ataavartut Naalackersuisut ingerlappaat? Sumiiffinni assigiinngitsuni paasissutissanik Naalackersuisut peqareermata nukissiornermut suliaqarfimmut pilersaarutaasup inaarneqarnissaa utaqqisariaqanngilarput, suliata ilaat aallartisarneqareersinnapput. Siunnersuut ataatsimiititaliamut suliassanngortippara, neriullunga ataatsimiititaliaq Naalackersuisut peqatigalugit allannguutissatut siunnersuummik saqqummiussisinnaajumaartut, allannguutissatut siunnersuut nalackersuisooqatigiit anguniagaannik, ukiut arfineq pingasut ingerlaneranni nukissiutitigut imminut pilersornissamik piviusunngortitsisinnaasoq.